

福安縣志卷之十

典禮 一 祀典

夫安上治民莫善於禮禮有五經莫重於祭伊古聖王
咨秩宗命太常於郊廟壇壝之事尤兢兢致意焉良以
通微合漠齊肅告虔最足動萬類之觀感而作其誠敬
所由治神人和上下而答天祐者胥在乎是我

聖朝制作明備祀事聿修凡載諸憲典頒示郡國者亦既率
土遵循罔敢失墜邑雖僻陋其於壇廟禮儀社稷祈報
有司時舉悉中品節橫經鼓篋之士相與牽牲贊幣共

福安縣志

卷之十

典禮一

一

襄鉅典雍雍乎有彬雅之風焉推而廣之則納民軌物
禮讓日興治國如示諸掌不信然歟志典禮

祀典

社稷壇坐南向北縱橫二丈五尺高三尺四寸出陛各三級
繚以周垣闢四門旁設神庫神廚宰牲房宿齋所立石
主長二尺五寸方一尺於壇南正中又設木主二高二
尺二寸寬四寸五分座高四寸五分寬八寸五分朱漆
青字書邑社之神邑稷之神歲春秋仲月上戊日文武
官員致祭雍正十年奉

旨申飭府州縣其社稷壇暨風雲雷雨山川城隍壇俱依定例

修建如式一體遵行以崇報享壇在北郊富春溪旁明嘉靖年知縣唐仕建齋

廠三間萬曆九年水壞三十九年知縣毛萬彙建宇三間監址闊三丈深二丈八尺周圍甄牆及照牆坊表計基闊一十二丈深十五尺圍五號歲納租銀四錢壇內兩旁圍官租銀一錢 禮儀詳下

神祇壇坐北向南餘與社稷壇同人從南左右門出入設三

神位中風雲雷雨之神左境內山川之神右邑城隍之

神歲春秋仲月上巳日文武官員合祭壇在南門外廣

十三丈舊廠三間明知縣唐仕建萬曆間被水碑存三十九年知縣毛萬彙重建宇三間砌址闊三丈深二丈五尺周圍甄牆及照牆坊表壇外圍二號歲官租銀五錢納庫修理 禮儀詳下

福安縣志

卷之十

典禮一

二

先農壇坐北向南高二尺一寸寬二丈五尺牌位高二尺四

寸寬六寸座高五寸寬九寸五分紅牌金字填寫先農

之神壇後正房三間配房各一間正房中間供奉神牌

東間收貯祭器農具西間收貯藉田米穀配房東間置

辦祭品西間令看守農民居住壇宇藉田之外周圍築

土為牆開門南向擇勤謹農夫二名免其徭役給以口

糧令看守壇宇灌溉藉田收貯米穀以供各該處祭祀

之粢盛歲仲春亥日或以季春文武官員致祭壇在東郊外山

坡 國朝雍正五年勅建知縣傅植重修 禮儀詳下

文廟大成殿正中祀

至聖先師孔子之位宋元舊稱文宣王明嘉靖九年改今稱國朝因之正殿覆以黃瓦歲春秋仲月上丁日文武官員

致祭享以太牢舊用少牢雍正三年改用太牢廟在重金山詳見學校禮儀詳下

東配

復聖顏子漢永平十五年從祀唐貞觀二年配饗

述聖子思子宋大觀二年從祀端平三年升列哲位咸淳

三年配饗

西配

福安縣志

卷之十

典禮一

三

宗聖曾子唐開元八年從祀宋咸淳二年配饗

亞聖孟子宋元豐七年配饗以上配位宋以前皆稱封爵

元至順元年贈顏子兗國復聖公曾子郕國宗聖公子

思子沂國述聖公孟子鄒國亞聖公明嘉靖九年改今

稱

國朝因之歲春秋隨丁祭正獻

禮儀詳下

東哲

先賢閔子

先賢冉子

先賢端木子

先賢仲子

先賢卜子俱唐開元八年祀哲位

先賢有子唐開元八年從祀

國朝升列哲位

西哲

先賢冉子

先賢宰子

先賢冉子

福安縣志

卷之十

典禮一

四

先賢言子俱唐開元八年祀哲位

先賢顓孫子唐開元八年從祀宋咸清二年升列哲位

先賢朱子宋淳祐元年從祀

國朝康熙五十一年升列哲位以上哲位宋以前皆稱封

爵明嘉靖九年改今稱

國朝因之歲春秋隨丁祭分獻

禮儀詳下

東廡

先賢公孫僑咸豐七年從祀

先賢林放唐開元二十七年從祀明嘉靖九年改祀於鄉

國朝雍正二年復祀

先賢原憲

先賢南宮适

先賢商瞿

先賢漆雕開

先賢司馬耕

先賢梁鱣

先賢冉孺

先賢伯虔

福安縣志

卷之十

典禮一

五

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄒單

先賢宰父黑

先賢榮旂

先賢左人郢

先賢鄭國

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

福安縣志

卷之十

典禮一

六

先賢琴張

先賢步叔乘

先賢秦非

先賢顏會俱唐開元二十七年從祀

先賢顏何唐開元二十七年從祀明嘉靖九年罷

國朝雍正二年復祀

先賢縣直

先賢牧皮

先賢樂正克

先賢萬章俱雍正二年從祀

先賢周敦頤

先賢程顥俱宋淳祐元年從祀

先賢邵雍宋咸淳三年從祀

先儒公羊高

先儒伏勝俱唐貞觀二十一年從祀

先儒毛亨同治二年從祀

先儒孔安國唐貞觀二十一年從祀

先儒后蒼明嘉靖九年從祀

福安縣志

卷之十

典禮一

先儒許慎光緒二年從祀

先儒鄭康成

先儒范甯俱唐貞觀二十一年從祀明嘉靖九年改祀於

鄉

國朝雍正二年復祀

先儒陸贄道光六年從祀

先儒范仲淹康熙五十四年從祀

先儒歐陽修明嘉靖九年從祀

先儒司馬光宋咸淳三年從祀

先儒謝良佐道光二十九年從祀

先儒羅從彥明萬曆四十二年從祀

先儒李綱咸豐元年從祀

先儒張栻宋景定二年從祀

先儒陸九淵明嘉靖九年從祀

先儒陳淳雍正二年從祀

先儒真德秀明正統二年從祀

先儒何基雍正二年從祀

先儒文天祥道光二十三年從祀

福安縣志

卷之十

典禮一

先儒趙復

先儒金履祥

先儒陳澔俱雍正二年從祀

先儒方孝孺同治二年從祀

先儒薛瑄明隆慶五年從祀

先儒胡居仁明萬曆十二年從祀

先儒羅欽順雍正二年從祀

先儒呂柟同治二年從祀

先儒劉宗周道光二年從祀

先儒孫奇逢道光八年從祀

先儒張履祥同治十年從祀

先儒陸隴其雍正二年從祀

先儒張伯行光緒四年從祀

西廡

先賢蘧瑗唐開元二十七年從祀明嘉靖九年改祀於鄉

國朝雍正二年復祀

先賢澹臺滅明

先賢宓不齊

福安縣志

卷之十

典禮一

九

先賢公冶長

先賢公哲哀

先賢高柴

先賢樊須

先賢商澤

先賢巫馬施

先賢顏辛

先賢曹卹

先賢公孫龍

先賢秦商

先賢顏高

先賢壤駟赤

先賢石作蜀

先賢公夏首

先賢后處

先賢奚容蒧

先賢顏祖

先賢句井疆

福安縣志

卷之十

典禮一

十

先賢秦祖

先賢縣成

先賢公祖句蒧

先賢燕伋

先賢樂欬

先賢狄黑

先賢孔忠

先賢公西蒧

先賢顏之僕

先賢施之常

先賢申棖俱唐開元二十七年從祀

先賢左邱明唐貞觀二十一年從祀

先賢秦冉唐開元二十七年從祀明嘉靖九年罷

國朝雍正二年復祀

先賢公明儀咸豐三年從祀

先賢公都子

先賢公孫丑俱雍正二年從祀

先賢張載

福安縣志

卷之十

典禮一

十一

先賢程頤俱宋淳祐元年從祀

先儒穀梁赤

先儒高堂生俱唐貞觀二十一年從祀

先儒董仲舒元至順元年從祀

先儒劉德光緒三年從祀

先儒毛萇

先儒杜子春俱唐貞觀二十一年從祀

先儒諸葛亮雍正二年從祀

先儒王通明嘉靖九年從祀

先儒韓愈宋元豐七年從祀

先儒胡瑗明嘉靖九年從祀

先儒韓琦咸豐二年從祀

先儒楊時明宏治八年從祀

先儒尹焞雍正二年從祀

先儒胡安國明正統二年從祀

先儒李侗明萬曆四十二年從祀

先儒呂祖謙宋景定二年從祀

先儒輔廣光緒五年從祀

福安縣志

卷之十

典禮一

先儒黃榦雍正二年從祀

先儒蔡沈明正統二年從祀

先儒魏了翁

先儒王柏俱雍正二年從祀

先儒陸秀夫咸豐九年從祀

先儒許衡宋皇慶二年從祀

先儒吳澄明正統八年從祀嘉靖九年罷

國朝乾隆二年復祀

先儒許謙雍正二年從祀

先儒曹端成豐十年從祀

先儒陳獻章明萬曆十二年從祀

先儒蔡清雍正二年從祀

先儒王守仁明萬曆十二年從祀

先儒呂坤道光六年從祀

先儒黃道周道光五年從祀

先儒陸世儀光緒元年從祀

先儒湯斌道光三年從祀以上東西廡先賢先儒位明嘉

靖以前從祀者皆稱封爵嘉靖九年改稱先賢某子先

福安縣志

卷之十

典禮一

十三

儒某子周張程邵五子嘉靖時稱先儒崇禎十五年改

稱先賢位在七十子之下

國朝因之俱稱先賢先儒不稱子歲春秋隨丁祭分獻禮儀

詳下 以上配哲兩廡
位次均照 部頒圖冊

崇聖祠正中祀

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公舊稱為啓聖祠祀叔梁公雍正元年加封王

代王爵祠改今稱歲春秋丁祭

文廟必先致祭遵子不先父食之義祠在大成殿後詳見學校禮儀詳下

東配

先賢孔氏孟皮咸豐二年配饗

先賢顏氏名無繇唐開元二十七年從祀明嘉靖九年配饗

先賢孔氏名鯉宋咸淳三年從祀明嘉靖九年配饗

西配

先賢曾氏名皙唐開元二十七年從祀明嘉靖九年配饗

福安縣志

卷之十 典禮一

十四

先賢孟孫氏名激明嘉靖九年配饗以上配位歲春秋隨祭

崇聖祠分獻禮儀詳下

東廡

先儒周氏名輔成明萬曆二十三年從祀

先儒程氏名珦

先儒蔡氏名元定俱明嘉靖九年從祀

西廡

先儒張氏名迪雍正二年從祀

先儒朱氏名松明嘉靖九年從祀以上從祀歲春秋隨祭

崇聖祠分獻

禮儀詳下 以上東西配並從祀位次均照部頒圖冊

名宦祠祀宋縣令鄭黼縣尉詹桌縣令林子勳元縣令忙

兀歹高琛林天賜主簿胡璉明知縣黃理鄭齊劉順馬

時中王曠縣丞胡晨趙璉訓導李希賢劉曇知縣沈愚

于震教諭楊槃知縣劉璫主簿歐陽復典史譚廷珍知

縣韓洲陳泗教諭袁植訓導繆冕教諭程箕訓導謝君

錫知縣盧仲佃李有朋教諭邱可封知縣謝一楓楊繼

時教諭李廷英賴克紹知縣金汝礪教諭洪啓哲吳仕

訓知縣張蔚然馬良教諭范文沛訓導林芳揚教諭盧

福安縣志

卷之十

典禮一

十五

世勳訓導伍如綸知縣巫三祝

國朝閩浙總督范承謨姚啓聖福建巡撫李斯義福建學

政沈涵知縣郭之秀張延統福甯知府徐燾福建巡撫

王凱泰

祠在 大成門左詳見學校

鄉賢祠祀唐左補闕薛令之宋賢良劉現知興國軍陳最

朝奉大夫王定國祕閣修撰劉季裴新城令張觀奉議

郎陳經處士張泳直學士黃幹正奏狀元楊復進士陳

駿武德大夫趙萬年安撫副使劉必成融州教授林子

雲莆田法曹王士奇簽書樞密鄭寀侍御史柳燮會稽

尉鄭虎臣清流縣令倪文一諮事參軍謝翹明荊州知府陳宗億海鹽知縣高頤監察御史陳錡連山令蕭顯僉事陳琦海陽知縣陳新建德知縣陳鑷龍川知縣孫賦龍泉教諭李泰温州府丞黃釗順天府丞郭文周甯都知縣繆一鳳太常寺少卿池浴德陽朔知縣繆坡吳川教諭陳世理東流教諭郭應詔閩縣訓導陳大楫延平訓導陳堯與茶陵知州王九韶

祠在大成門右詳見學校

禮儀詳下

關帝廟前殿祀

福安縣志

卷之十

典禮一

十六

忠義神武靈佑仁勇威顯關聖大帝神位後殿祀

曾祖光昭公

祖裕昌公

父成忠公三神位每歲五月十三日並春秋二仲諏吉正官

率屬致祭享以太牢

廟在賓賢境明萬厯己卯年建國朝康熙五十八年知縣傅植重修

修乾隆十七年知縣夏瑚重修二十二年知縣黃彬重修三十五年知縣廖雲魁重修咸豐十一年知縣朱德沛重建舊存齋田十畝零八分在赤嶺社口柏柱南岸四地方以供香燈乾隆二十二年知縣黃彬另撥龜齡寺餉田二十畝在六都后陽壽邑四都樺壠兩地方以資壽誕祀典

禮儀詳下

國朝知縣劉靖楹聯集句吳宮花草埋幽徑魏國山河半夕陽

文昌廟祀

文昌帝君神位後殿祀

文昌帝君前代神位歲春秋仲月諏吉正官率屬致祭享以

太牢

廟舊在明倫堂後乾隆十九年知縣黃彬撥前在夏尹原牒存學寺田十石以供祀典又原首事生

員劉其欽等積貯構架本祠左邊店面五檜續架土地祠後樓店三透嘉慶七年知縣張錦江移建專祠於銅冠山之麓學宮即將存學祀田十石交庠士收租為各舖紳士輪值辦祭之需咸豐十年董事李應奎余洪光陳春霖連維樞郭兆昇周之翰等復增設祀田禮儀詳下

天后廟祀

敕封護國庇民妙靈昭應宏仁普濟福佑羣生誠感咸孚天

福安縣志

卷之十

典禮一

七

后神位宋元明舊稱天妃建祠致祭

國朝康熙二十三年

詔封天后

舊志作是年醮享風雲雷雨壇致會典通禮通志以及天后聖蹟志俱無明文舊志未知何據五十

九年奉

旨令地方官春秋致祭編入祀典雍正十一年

御賜匾額並令有江海各省一體葺祠致祭乾隆二年又奉文

通行春秋二祭同治八年

敕封金柳二神為將軍一體附入祀典

禮儀詳下

攷天后褒封自宋始徽宗宣和四年立廟賜額曰順濟宮蠲祭田稅高宗紹興二十五年封崇福夫人二十

六年加封靈惠夫人三十年加封靈惠昭應夫人孝宗
消熙十年加封靈惠昭應崇善福利夫人光宗紹熙元
年進封靈惠妃甯宗慶元四年加封助順靈惠妃六年
恩封一門開禧改元加封顯衛妃嘉定改元加封護國
助順嘉應英烈妃理宗寶慶元年封助順嘉應英烈協
正如三年加封靈惠助順嘉應慈濟妃淳祐改元加封
靈惠協順嘉應善慶妃開慶改元進封顯濟妃元世祖
至元十八年册封護國明著天妃二十六年加封顯祐
成宗大德三年加封輔聖庇民宗延祐元年加封廣
濟文宗天歷二年詔封護國輔聖庇民顯祐廣濟靈威
助順福惠徽烈明著天妃順帝至定元年賜額靈慈宮
明太祖洪武五年封昭孝純正孚濟感應聖妃成祖永
樂七年封護國庇民妙靈昭應宏仁普濟天妃國朝
康熙十九年封護國庇民妙靈昭應宏仁普濟天妃二
十三年進封護國庇民昭靈顯應仁慈天后雍正四年
區額乾隆三年加封護國庇民妙靈昭應宏仁普濟福
佑羣生天后二十二年加封誠感咸孚五十二年加封

福安縣志

卷之十

典禮一

六

顯神贊順嘉慶五年加封垂慈篤祐六年追封父為積
慶公母為積慶夫人道光六年加封安瀾利運十九年

加封澤覃海宇同治八年
敕封金柳二神為將軍

廟一在龜湖山乾隆六年知縣蕭荃倡建十六年知縣
陳良士撥獅峰寺柏柱地方田畝以資香燈二十二年

知縣黃彬准董事庠賓陳文劍生員吳岱李志煜李常
藩林天寵周中規監生鄭殿詔阮純仁陳士尙鄭文謨

鄭殿膺李見龍周家禮陳性調陳最商人郭生泰周宗
計胡性美郭志升張成聯蔡雲龍邱捷倫等捐銀贖薛

河圖賃僧大全慈雲寺黃瀾等地方田畝以供
祀典各有印册勒有碑記道光十一年重建

附本營遊擊羅給廟後餘地照據呈展城湖山天后廟
宇建造落成因廟後險峻預防崩頽僉議培植樹木以

固根基所有低下餘地與本營廢址確庫片連曠地准
如所請合行給照為此照給商人照依事理即便前去

砌造留綠樹木以固根基護衛尊神廟宇施行須至照
者乾隆十一年二月日右照給商人胡性美等收執

又本廟架靜室左邊所餘園坪一所現本廟菜園與龜湖寺無涉

一在南郊外靖海關乾隆十六年巡撫潘敏惠公思築

巡視水災登龜湖山至天后宮論紳士曰天后水神官

宜水濱爾等宜預備再建時首事監生陳遇隆監生賴

崇聲監生江詔職員郭長安監生謝兆翰監生王學綵

監生陳廷機生員吳大鵬監生陳盛斗監生鄒國寶監

生江國屏貢生阮光焯監生郭祚順賴香遠張長福林

鎮楊文秀等鳩集捐積銀兩至三十四年買田四畝兌

天馬菴天堂壠田四畝為廟基是冬起建本廟前建涼

亭左右各一又買本廟左楊家山一號並本廟所兌田

內天堂嶺下荒山一帶俱留綠樹木以衛廟宇三十七

年龜山寺僧明川捐本寺二十八都會坂地方田六十

十畝以資香燈知縣白岐印冊立案有碑文勒廟口

龍神廟祀邑龍王之神春秋致祭廟在小西門外湖邊嘉慶

閱重修禮儀詳下

福安縣志 卷之十 典禮一

朱文公專祠祀朱子春秋致祭祠在教諭署前南向雍正十二年移東向詳見學校

一祀紫陽書院於九月十五日誕辰致祭禮儀詳下

忠義祠祀宋朝奉大夫王定國新城令張觀武德大夫趙

萬年會稽尉鄭虎臣諮事參軍謝翱明監察御史陳錡

溫州府丞贈參議黃釗詞在訓導署前

忠節祠祀教諭程箕訓導謝君錫貢生陳埴諸生郭大科

詹鎬陳國初陳魁梧郭大乾吳廷琪柳廷謨劉元錚詞在

訓導署前

興文祠祀明知州夏汝礪知縣盧仲佃楊繼時金汝礪張

蔚然巫三祝鮑治許立梁兆陽衷時勅縣丞吳道光教
諭李廷英洪啓哲吳仕訓范文沛盧世勳訓導伍如綸
黃啓仕邑人甯都知縣繆一鳳陽朔知縣繆坡訓導鄭
珊

國朝總督姚啓聖知縣張延統教諭李襄猷訓導翁鴻年
祠在教諭署前

孝子祠祀元陳德沂陳德漢明郭鐸阮貢林子隱劉泗劉
廷舉繆泮陳華八陳大位祠在訓導署前

以上四祠春秋學官致祭禮儀詳下

福安縣志

卷之十

典禮一

二十

節孝祠祀烈女節婦雍正元年各縣奉

旨俱建有司春秋致祭祠舊在重金山雍正五年知縣傅植建乾隆二十六年貢生陳燦捐鳳尾山地

基貢生陳惟屏移建禮儀詳下

昭忠祠祀陣亡員弁本營官致祭祠在錦屏境同治七年守備孫勇創建

厲壇祀境內無祀鬼神在縣有邑厲之祭在一里又各

有鄉厲之祭歲凡三祭春祭清明日秋祭七月望日冬

祭十月朔日知縣先期牒告城隍神屆期致祭邑厲壇在西郊

外舊廠三間水壞碑立祭厲文存砌址廣三丈五尺高三尺壇下廣八丈五尺深一十二丈八尺鄉厲壇在

二三都明萬曆三十八年知縣毛萬彙創義塚於旁即九里壇里社壇在各都計三十二所禮儀詳下

福安縣志卷之十終

福安縣志

卷之十

典禮一

三